

Wainlalangare ole erere Rurumong ake nge a Jona ome a silang aulonga

Jona na silang aulonga



Ako Edward Hughes i wat i
Ako Jonathan Hay i wat a seire

Ako Hobson Mimi i eksing i
Ako Mary-Anne S. i pakomkmoes i

Rurumong 26 of 60

www.M1914.org

Bible for Children, PO Box 3, Winnipeg, MB R3C 2G1 Canada

I sivenga ako aro ong printim Rurumong ake na sung polpol i a tokokoere nge.
Ave mothong tova ong el umtun eve ur pelie nge Rurumong ake omanga eve salimnga.

Mangseng

Nome nomenga ako a Israelre
nge, toko ako iion a Jona kene i
voth nge. Lama nge nang omole
ako Patenger i pake i a
rempomnga
a Ninive.



Na rempomnga aken i mukal
nge rempomnga alavusnga nge
woplemi aken.



Na Jona ile esong aken kene aro
i panongpol na i panakal toko na
sengre nge a Patenger
ile riong,



3

eneke ole vothung kerengare kene
i auloleltun or lale na nge ako
Patenger ilemi mire nge
ole vothung kerenga
alavusnga areken
mun lale.




4

Aveto Jona i avsa Patenger
ile riong ma i roa nge imot
ma i lo a Tarsis la na i es a
Ninive ol a Ninive avele.



5

Mako Toko Pomnga i pake thue ome vit aulonga a
thev stha la ma thev ile punong i aulonga ma imot a
umongare o ngeip eneke o rivenga aro oa imot aken
aro i vlu.



6

Ma rua ile punong aken i aulo aulo ma imot a
umongare sawir or ma o nong a ole avalare nge,
lamako o asissespot ole ur elonga pelie ako o paro
tomo i a imot nge, o oma venen
aken mo imot aken aro i vthoa
tie ave sivengaing
avele i velpol.



7

Na Jona i nongong vet inga ako a imot aken lemi na i
nong vet avele ma imot aken a mukalinga i sangolo i
ako i nongnongong ma i ria i ve, "Ke vo neke ake
nongnong vet inga e? I pavurvur aro nong vet a
lom Toko Pomnga nge avele, mo i
opaal vet it ngekerengaing ake?"



8

Lamako Jona i ria imot aken tokoningare ve ole kerengaing aken kene tepun ako a i nge, eneke i lo nge a Patenger ile pakeing, mako o nina i ve, "Varo them oma neke nge ong mo thev i ngo pis werer ol e?" Mako Jona i ria or ve, "Aro thomu o potuna tho mo o asespot tho a thev stha la. Akennga aro rua i ngo pisu ol."



9

Ma imot aken umongare oniplong nge a Jona iasespotnga mako o tongporum ve aro o pasong viriviri imot aken a wopo la ave o pavurvur avele.




10

Mako imot aken a umongare o nong ol inga a Patenger nge, ...




11

... nge a Jona ile kerengaing aken ve aro o mit nge riong avele lamako o asespot ol a Jona a imot aken nge ma i siviluku ol a thev lemi la nakomala a ur e avele na thue ome thev ile punong aken i vus ol ma olemi pelekpol na o ngeip mako o lotual ol a Toko Pomnga.



12

Na toko riong avsanga aken i rivengara aroko e avele aro i opola ol i na ilemi mire avele ako aro Toko Pomnga aro i opolal mun i.



13

Ma Toko Pomnga i monsi silang aulonga e ako ma i mit vengtun nge pen ako Jona aro i siviluku nge, mako a ur e avele na i onutetu a Jona. Ma i voth a silang aken iopo lemi nge nang orme.



14

Ma nang orme i vus nako Jona i eksing ilemi ma i ria ve aro i avsa ol a Toko Pomnga ile riong avele ol, mako Patenger i ria ma silang aulonga aken mo i paeso i a wopo la ma i muata i a wonwonpo.



15

Mako Patenger i pake werer mun i ve aro i es mo i panongpol nge ile riong a Ninive, ma Jona i esa ol a Ninive la ma i avavras ol ma i ri ve, "Nang or mulepapel aro i vus naro Ninive aro vusu."




16

Ma toko na seng Ninive anga areken tomo nge ole nepes olemio nge a Toko Pomnga ile riong aken, mako o eksing ilemi ma o sem na o parara ole teunongre ma o vor vuvus a opo na o nong a Toko Pomnga nge mo i mothong tova i pakarenga or.




17

Ma Patenger ilemi eksing werer mako i ikris ile kinong aken ma nge nang aken toko na seng Ninive angare peraling aulonga i voth a or nge. ... Ave toko inga omole ako i peral avele, kene ini a Jona.



18

Na Jona ilemi kling eneke Patenger i eksing werer ilemi nge or mako i ria Patenger ve, "Ong ini toko asaguonga na ong vual nge lemi esaling na lomum kling viriri avele na ong vual mun nge vothung le sivengaing." Na Jona i ri venen aken, eneke ilemi mire lale ako ve Toko Pomnga ilemi esal werere or lale.



19

Ave Jona kene ilemi kling rintet mako i ria Patenger ve, "Eltetpot lek mimiong eneke mimiong ake i sivenga ol a tho nge avele, na i sivenga tova tho rin inga."



20

Mako Jona i espot a remponga aken, ma i menen mo i thepol vet ako aro Toko Pomnga aro i oma neke nge i, ave Petenger i monsi we e ako ma i pom viriria inga nge nang aken ma i velpol ini a Jona ile mlil.



21

Lamako nge rulponga nge nang ainiga Patenger i pake mana e ako ma i an vustetpot we aken thoingre mako we aken i rin selele. Lama Patenger i oma nang ma anresalnga i aulonga rintet ma i antun a Jona ma toth ile rinong ma nge tepun ake Jona ile lemikilngong kene i anangal seel ol.



22

Lamako Toko Pomnga i ria Jona ve, "Ini lom neke ako lomum kling e? Na lomum esal we aken ini lom omaing? Na i ploa aken pemlik naro i rin mun pemlik.



23

Naro lemik esal rempomnga a Ninive avele ke, rempomnga aken toko na sengre nge mengmeng avele?"



24

Jona na silang aulonga

God ile erere a rurumong i voth nge

Jona

"God, lom riong i sung mire ninenga a tokoere nge." Voing 119:130

Patenger ilemi mire nge ler vothung kerengare lale. Na vothung kerenga areken kene olonga ini rinong.

Na Patenger kene ile asaguong i aulonga rintet mako i pakeu itun omolonga ako mo aro i mon a won ngoronga nge mo ini ler vothung kerengare paolalnga. Ma i rin, mako i mimi werer mun, mako i voth ol a penaurvet! Aken i nunganga ma i venen aken mako Toko Pomnga i pavurvur aro ilemi simikal ler vothung kerenga areken ol.

Tova ve ong sis ve kimom lel lom vothung kerengare aro ri veneke, "TokoPomnga lek lemioong nge a Jises ako ve i rin nge lek vothung kerengare na ako i mimi werera mun lale na evelelnga aro i voth na tho nong tangosinga a ong nge ve aro lomum simikal lek vothung kerengare naro ong rutun tho ponange ake mo ako aro lek mimiong aro i eksing. Opoal tho mo tho velpol ini tum mo ako aro tho nongal keum evelelnga. Inunganga. Jon. 3:16

Evelelnga aro ong tital a Toko Pomnga ile erere naro ong lengleng tomo nge i nge nongongre.